

Comunu de  
**Sètimu**  
Tzitadi Metropolitana de Casteddu  
Pratza Sandro Pertini n. 1 09040 Sètimu



C.F. 80004000925  
Tel. 070 76911 Fax 070 765687  
**giassu:** [www.comune.settimosanpietro.ca.it](http://www.comune.settimosanpietro.ca.it)  
**pec:** [protocollo@pec.comune.settimosanpietro.ca.it](mailto:protocollo@pec.comune.settimosanpietro.ca.it)

## **ARRENNOAMENTU SITUAZIONI CASUS COVID E CAMPAGNA VACINALI**

Tzitadinus istimaus,

a dolu mannu da ariseru, po mori de su Covid, depeus contai sa cuarta vītima in sa comunidadi nosta.

Unu contzitudinu nostu de 69 annus, ca s'agatāt, giai da unu mesi, in recoveru in su spidali, po mori de cumplicatzionis da virus, non ci dd'at fata.

A nòmmini de sa comunidadi intrea bollu fai is passièntzias de coru a totu sa famìllia sua.

Po imoi, da comunicatzionis ufitzialis de s'ATS in su comunu nostu resultant 11 personas positivas a su tamponi molecolari e àteras 2 personas ca non faint parti de s'elencu ufitziali, ma ca funt positivus est certu.

S'invitu est sèmpiri de donai a cura a is inditus apitzus de s'igieni e de su distantziamentu sotziali, poita sa Sardigna intrea est passendi, imoi etotu, cidas acutas da s'impestu.

Po ndi bessiri da custa situatzioni est de importu, da parti de is istituzionis regionalis, a essi prus lestrus in sa campagna vacinali, pruschetotu po is personas antzianas e is fàscias prus dilicadas.

Duncas su Comunu de Sètimu, impari a su Comunu de Maracalagonis, s'est giai ativau cun s'ATS po portai unu tzentru vacinali in su territòriu, ca depit essi postu pròpriu a Maracalagonis e ca at a permiti a ci lompi fintzas a is tzitadinus de Sètimu, bia sa bicinàntzia intre de is duus comunus.

Chi si fait in su territòriu nostu unu tzentru vacinus, podit lompi fintzas s'agiudu de is mèigus de famìllia de Sètimu, de mei giai cuntataus e ca m'ant giai assegurau sa presèntzia, cun sensu mannu de responsabilidadi.

Duncas seus abetendi una sceda crara da parti de s'ATS e s'apu a tenni informaus cumentis andat.

In s'interis, da oi 17 de abrili a nche su giassu regionali podint prenotai sa vacinatzioni, fintzas is tzitadinus nàscius in su 1956 e 1957.

<https://vaccinocovid.sardegناسalute.it/vaccinoc.../index.php>

Su Sìndigu